



葯房樵唱序

序曰葯房樵唱者吳公文可所著之

詩也夫詩在堪輿間無纖弗罔無巨

弗涵太極陰陽之化物則民彛之懿

煙風月露之形河山草木之昭氣候

燠寒之更毛羽鱗介之蕃治亂興亡

之著天壽死生之變可疑可存可悅可





博可感可慨外觸乎物內發乎情  
至而形於言形而於聲而詩  
生焉譬之氣至黃鼓神合自然機搖  
弩發道契冲漠上自王公卿士下逮  
小大編氓率藻暢於襟靈一導揚於  
隱伏大而朝會葵饗被之弦歌小而  
委巷深閨見諸譎諫雖位號之或殊

而帝衷之無異商周之隆斯義為盛

漢魏以來古意漸削下沿唐宋之間  
而得之者蓋鮮矣於是吳趨楚豔而哇  
淫之味泊焉牛鬼蛇神而誕幻之事  
彰焉霆飛霞擲而粗厲之文布焉胡  
嘖梵吟而忽荒之趣見焉僞言粵語  
而俚鄙之藝形焉鴛支蝶卉而留連

滌字上下  
間失字



之思滯焉詩道亦幾乎熄矣公嘗與  
漁劇論至斯為之彈指三嘆蓋公以  
雄逸之資濟通明之識著於篇翰規  
倣風雅鼓動江山之氣發揮造化之  
微味玉酒於周廷襲懸黎於梁苑雕  
龍彩鳳不足為之廣衝颯激浪不足  
為之豪其淒惋也則孤猿夜號松露

初滴其雅馴也則冠冕佩玉儼趨廊  
廟由其才無不兼所以體無不備世  
之讀者如入玄圃而攬明月木難之  
珍如崑丘而覩<sup>天</sup>未肉芝之貴誠可謂  
擅名制作之林競爽藝文之場者已  
如漁不敏年踰四袞學廢三餘精神  
遐漂無永寧之夢金石相宣之荆潭



之情景伯之舌徒存文通之筆已失  
頽念疇昔獲陪杖屨纓濯雙溪之側  
漱齒靈源之上攀蘿月以夷猶撫<sub>一作</sub>點  
雲而舒嘯公時吞吐群機陶鎔庶彙  
珠玉隨風冰雪在口人爭傳於秀句  
價欲等子兼金柰何稍歷星霜遽分  
今古雖瀼西之室遺跡未寒而遼東

之鶴一去不返尚忍言哉尚忍言哉

公之子履與其門人黃琪編輯遺藁  
鏗之文梓乃緣五契之深遠以首簡  
為屬嗟夫玉兗劍氣直出人間麟角  
鳳毛終為世瑞蕭功曹之新章不泯  
李奉常之妙什宜傳此理之常無足  
疑者第以疾疾相仍文藻衰落無義



山之雅製序漫叟之雄篇姑綴蕪辭  
以信微臆云爾公諱景奎文可字也  
嬖之蘭谿人群行存諸別傳履博學  
善屬文尤精於詩無忝於公者也至  
正十八年歲次戊戌三月己亥朔契  
家姪金華宋濂謹序

葯房樵唱目錄

第一卷

五言古風

秋夜讀書感懷

喻鳩

采菊

七言古風

擬李長吉十二月樂辭

送日者黃學海歸江西

故園多海棠其一樹大數十圍樹頂一





枝如雪白因賦

五十自訟示同志

中秋對月

鵲有媒

癸未春留錢唐巨可大家六月可大發

明年移家臨平余將東歸因賦此寫

懷

徐仙卿歌

五言律詩

旅夜

過臨平

旅夜

和韻秋日述懷簡李克明

病起二首

得家書二首

漫興

挽汪元明

四月二日二首

存歿

茅屋



秋興

七言律詩

寄題天台楊道士素軒

同劉學錄登台州古城

登台州中山

風雨赤旅夜書懷

哭鄭伯容永嘉天趣幼子

送錢思復進士赴會試

和洞宵宮丹泉酒韻

相灘月下舟中聞琵琶

寄括蒼劉學錄

勉童良仲入京

蘆花禱

寓錢唐寄呈元禮叔父

寄舍弟綺

奉送浙江省危宰郎中除湖廣

奉送江省都事納文郁除湖廣

錢唐旅舍贈暉東陽和尚

夢仙

錢唐三茅觀古梅五代時所植至正辛



已敗于火次韻

寄洞霄宮史玄圃真人

寫懷

望江亭懷古

過護國寺

壽開元宮王眉叟真人

晚霽

至邵存存菴文叔兄尹舜卿舍弟景參

不期而會遂同宿菴中時何仲畏留

吳博士宅恨不合并也

宿存菴

送葉鍊師

第二卷

觀文叔兄續脩潘氏清譜有感

文牀和韻

和韻春日二首

山中訪唐隱居三首

春思

歲暮歸自錢唐宿玄真道院

過趙敬德別業



奉謝惲東陽見貺白葛水涼茶百丈諸

石刻墨本二

喜怯烈失監州重建東峯亭

和韻趙敬德雜興四首

再和

寄蘓伯夔

庚寅四月廿八日禪傍成

宿存仁菴聞文叔兄有會晤之期

垂虹橋

姑蘓臺

舟次丹陽

鳳凰臺

和韻荅楊生

奉呈劉御史

登蔣山寶公塔下高閣

六朝遺迹

留別匡生二首 臣音巨

至吳仲毅投家書就假張應奉天香集

錢思復所賦靈槎集舊嘗遺錄後十年失

其本藁思復以詩未徵用韻奉答



葺山中故廬有感

夏夜山中偶成

自山中歸鑑湖別業

同劉伯善賦覺慈寺玉壺冰泉

春波漁者二首

夜坐感懷

答吳濬仲

旅夜對月有懷尹舜卿

呈文琳兄

寄錢良貴

寄琳上人

寄江君逸

歸故居

夢鄭謂道

香溪解纜

知己

寄彥實

草堂訪惲東陽不值是夕同胡太常宿

大桐江方丈用太常韻奉呈并簡東

陽



次韻谷錢思復并簡呂彥夫

送張伯翔

閣居

題鮮于伯機書桃源詩

寄吳孟思

送人北歸

寄徐景傳

寄題衛立本具慶堂

風雨途中過羅主簿杖履歸北山

送張道士

六十

次韻荅友人

辛卯冬

挽惲東陽

寒食

自警

閏月書事

遊紫巖寺

自山中歸

築城



第三卷

奉簡吳濬仲避地紫岩山

寄唐公弼

暑夜對月

夢憚東陽

夜宿葉孟咨書樓

次韻過表忠觀

秋興三首

席上即事

垂老有懷葉景翰范景先胡仲申

中秋

月夜懷友

次韻憶錢唐二首

御史登城南閱武亭

喜聞太傅右丞相出師平寇

癸巳歲二月壬子日晴

寒食

三月七日

答勝上人

胡太常錄寄黃侍講詩二首次韻



次韻張子恭督兵衢州二首

中秋二首

次韻美老左丞總戎有功

美楊志誠

建德同知蒼岩公以平寇陞總管

病中許存禮葉孟咨見訪示桃巖詩因

次韻

七言絕句

寒食二首

舊遊

偶成

赤松禱詠六首

送黃練師絕句二首

泊臨口

龍飛亭

春日禱詠絕句三首

山水小景

登碧雲蒼霜樓有感

題小景

題太真睡起圖



夜雪

寄汪貫之

戲東江君逸清明日移家

代呻吟絕句十首

樂府

滿江紅 歸故居答楊潤之

最高樓 寄謝國芳

滿庭芳 己卯七月十一日得穎

念奴嬌 寄蕭善之

大江東 壽惲東陽丁亥正月十二日生推命者

疎影 為劉架閣賦贈妓者


沁春園 贈鄭伯洪



蘇東坡詩  
陸

春風吹綠柳  
燕子剪輕盈  
大地生機發  
萬物競欣榮  
念及此  
...

葯房樊唱卷之一



蘭谿吳景  
門人黃琪



六世族孫吳禧重刊

五言古風

秋夜讀書感懷

宵中風雨除明蟾  
界心房秋堂湛虛白  
飛露生浮涼夜氣之  
所存澹然百慮忘  
短檠對方冊一覽  
忽五行注目曾未  
久玄花眩幽光瞳  
子罹哀酸感額攢  
清揚憤嫌書字細  
頻挑燈燼長遠睇

葯房樊唱

卷一



覺整明迫觀愈微茫掩卷重太息驚心怛中腸  
喻鳩

東村五畝園荒穢久不治荷鋤種豆苗愛此膏  
土肥森然已甲拆保之若嬰兒群鳩競拂羽俛  
啄忽無遺傍麾維稍却投間復在茲一啄不汝  
惜再啄苗已稀刻吾心上肉充汝腸中饑汝飢  
誠可憐增歟那忍施桑林正沃若桑堪方垂  
堪熟可醉飽林深無危機思怨從此釋斯園勿  
重窺鳩鳴對心臆群然亦高飛

采菊

爽氣浮西山風煙澹原隰悠然出衡門佳節逢  
九日衆草淒以青黃菊正秋色未之不盈把妙  
意良自得謂能制顏齡可泛忘憂物驩言命壺  
觴萬事付酹適永懷東籬人俛仰已陳迹

七言古風

擬李長吉十二月樂辭

正月

麴塵絲拂晴波暖霽霽空蒙燒痕淺含章宮中  
萬玉妃粉花點額芳霏一條風東來初解凍蝴  
蝶吹醒花底夢翠鬟梳罷玉纖寒綠燕銜春上



金鳳

二月

青皇宮中花鳥使  
尚翠霏紅教鶯語移春檻  
小度芳華金犢車  
輕載歌舞曲房夢斷章臺月東  
風不解丁香結  
鑰奠夜守倉琅根  
海棠飛落膜脂雪

三月

紫簫吹月梨花老  
碧雲冉冉迷芳草  
藥攔蘭粟怯春寒  
翠帳流蕪護鶯曉  
麗人一去音塵杳  
淚洒紅稍怨青鳥  
新蒲細柳自年年  
曲江流恨波

聲小

四月

輕紅流煙香雨足  
新槐影轉拘欄曲  
水晶簾箔度薰風  
黃吻烏衣語華屋  
涼簪墜髮初破睡  
粉痕淺護脩蛾綠  
並禽不受雕籠宿  
背人飛向荷陰浴

五月

網軒綠艾縣飛帟  
菖蒲花青海榴吐  
江城倚竹弄湘絃  
調笑懷沙怨蘭杜  
南薰生涼紈扇薄  
雕俎瑤觴勸郎酌  
綵索光浮繫臂紗  
守宮紅暎黃

為新集

卷一



金約

六月

冰山龍璫間瑤席水拍銀盤漱寒碧象床湘簟  
含風漪膩香粉汗霑凝脂赤帝秋七火龍老琪  
樹西風轉昏曉

七月

鳳凰枝頭一葉飛碧疏朱綴生涼颼素紈團團  
思愛衰含宮爵羽吹黍差瑤階露華霑復綦星  
橋月帳愁別離粉筵歡笑占蛛絲

八月

蘋風夕起涼思多新愁舊恨生濃蛾雲兜鵲鷓  
返故國瑤階絡緯鳴寒莎銅仙泓泓泣零露銀  
灣漾七吹涼波素娥徘徊白鸞舞廣庭若樹今  
如何

九月

黃金花開香滿把烟草荒臺誰戲馬楚雲擲七  
鴈西流秋色悽人正瀟灑淚花菽七啼新愁纏  
絃五色彈篋候寶香不暖茱萸帳明月空過翡  
翠樓

十月



蘇軾詩  
小春一花西月黃  
縞衣美人吹暗香  
錦衾羅薦  
曉寒薄夢中持贈  
雙明鐙霜花莫洒  
相思樹愁  
殺孤棲金鳳凰

十一月

八姨手折博桑枝  
海天凍合青玻璃  
瓊樓仙人  
喚騰六夜入銀潢  
剪瑛珠沉香火煖  
錦承塵巨  
羅羔酒生春  
韞宮溝不寄題  
紅怨日映五紋添  
弱線

十二月

瓊芳銷歇年華改  
青鳥無音隔瑤海  
綠綃窻戶

弄晴曦柳條迎臘  
含烟彩上苑花  
須連夜開枝  
頭休剪楊家綵

閏月

若華煌煌紫日馭  
氣翔盈虛積餘數  
低鬟歛黛  
拜霜娥孤負團圓  
十三度生物趨功  
得歲長山中  
獨厄黃楊樹

送日者黃學海歸江西

黃君舊飲西江水  
太華黃河歸眼底  
移家直上  
黃金臺袖染天香  
五雲裏神遊碧落  
鞭雷霆六  
丁呵護青囊經藍袍  
掩暎蒼水珮  
斂光倒射天



冥心前身金華老仙伯此生還作金華客却厭  
緇塵點客衣解組竟尋山水癖生男有室女有  
家買田築室春桑麻秋風吹醒故園夢清江碧  
嶂天之涯去路不辭烟水隔骨肉相歡頭雪白  
千年老鶴今未歸閭皂山前令威宅

故園多海棠其一樹大數十圍樹頂一枝  
如雪白因賦

太真酒酣睡未足深宮已縱犴花鹿翠華一夜  
拂峨眉風塵瀕洞黃金屋馬嵬香土埋娟嬋治  
客悔與春爭妍似聞天王狩太白雪魄幻作花

中仙淡粧獨立東風裏冷咲漫山舊桃李芳心  
恨不聘梅花雨中有淚如鉛水蜀山紫錦同本  
根得如梨雪聊相溫凝脂醞籍初出浴玉鳧波  
暖春韮日瑤臺月下相逢處翠袖冰姿生媚嫵  
更燒銀燭醉中看髻髻霓裳羽衣舞

五十自訟示同志

嗟我行年今五十鬢毛半染秋霜白方知四十  
九年非追數平生竟何益少年懶惰廢經史明  
時進取無謀畫臨財不解競錐刀飽食安知勤  
稼穡故園已荒松菊迺索居却占漁樵席陸沉



井里等擗散賓餞義娥駛駒隙齒牙搖落筋力  
疲兩目生花眩朱碧母年七襄餘四齡飲食康  
強喜愉懌大兒無成小兒幼有弟相望念離隔  
弱孫繞膝不識愁弄筆攤書恣狼藉不如意事  
十八九俯仰興懷百憂積敢隨佻巧人共嗤自  
信修姱心不易使予浸假嗜酖酏好勇鬪狠從  
博奕豈如用拙樂賤貧清苦寧辭食冰蘗牛衣  
不暖泣中夜擗鼻淒涼徒四壁丈夫未遇亦如  
此顧我何為歎縹緲已將窮達付天公歎歎起  
視滄溟窄方今忽上歲道盡黃落山林見松柏

揆余初度安足論母恩未報嗟窮厄醉來聊以  
寫我憂迺鎖衡門謝賓客

中秋對月

素娥游宴清虛府手摘蟾花啗寒兔瓊樓高處  
作中秋淨洗銀盤灑風露此時令我憶去年山  
中桂影浮觥船今年却未江海上美人千里同  
嬋娟世間憂樂知多少天地無窮月長好明年  
縱點何處看此夜陰晴亦難保

鵲有媒

長林蕭蕭西乳鵲牖戶綉繆欣有托雄飛望聖



杳不歸飲啄應憐墮繒繳孀雌哺鶯成孤栖月  
 明不復從南飛迨織女隔銀浦風多巢冷將  
 時依花間隻鵲能凸喜未往殷勤道芳意雄鳩  
 佻巧鳩不媒願得靈脩幾同類斯須衆鵲邀提  
 壺入林繞樹聲相呼群飛盡去遺一鵲同室定  
 偶携諸孤疆和鳴如有道求牡沒慚雉鳴鷺  
 踰墻鑽穴相窺從重歎人而不如鳥

癸未春留錢塘巨可大家六月可大發明  
 年移家臨平余將東歸因賦此寫懷

去年六月十五夜月明漁浦看潮生今年此夜

對明月淒涼池館難為情故人夢斷知何處生

存華屋含風露明朝家具載扁舟又向臨平山  
 下住憶昔故人邀我來笑談白日驅風雷百年  
 未半忽轉燭時移事改令人哀我家金華北山  
 北堂上慈親年八十要知生死見交情兩載淹  
 留歸未得孤兒有托女有歸余亦興懷歎式微  
 悲來從筆寫情曲九原杳心相知

徐仙御歌

西儀肇分天地位融海結山由至理崑崙之墟  
 西極高天下群山從此始川源百折皆朝宗山



氣龍從騰蒼龍大為京都小郡邑民物總也成  
提封辨方相土傳金昔是以陰陽家一術自從  
管郭著遺書從後世紛也相祖述胎仙化作徐僊  
卿黃冠野服芒鞋輕千峯飛步攬空翠佳氣鬱  
鬱雙瞳明玉函玄經妙萬化王賴魯揚齊逸駕  
道傍忽尔得牛祗土與黃金即同價鴈鳧銀海  
長冥也珠襦玉匣非生榮伯倫王孫埋與髀三  
年石塢何由成我思掩親必有道十載未成心  
悄也卿言只尺有佳城水秀山明宜北宅徐卿  
日繫而道存澗溪培塿安足論五湖四海浮日

月太山喬嶽撐乾坤贈君一緬登山屐踏遍江  
南與江北觀光直上燕然山日近蓬萊雲五色  
五言律詩

旅夜

逆旅頻看鏡秋來白髮生孤雲渺何許遊子獨  
關情野迴鷄三唱霜寒鴈一聲此時愁絕處歸  
夢度江城

過臨平

舟過臨平後青山一點無大江吞兩浙平野入  
三吳送旅愁聞鴈行庖只鱸鱸風帆如借便明



日到姑蘇

放夜

秋宵不成寐缺月向人斜更漏傳三鼓寒燈落  
一花窮愁長伴客幽夢只還家烽火何時息吾  
生未有涯

和韶秋日述懷簡李克明

草木驚搖落賓鴻度漢河故山歸夢遠明月容  
愁多不復丁年壯空悲子夜歌倚闌看北斗零  
露滿烟莎

病起二首

病起錢塘上支離獨擁衾燈花懸客夢黏韻動  
鄉心力疾坐長夜放懷成短吟故園歸未得迴

首白雲峯

今日忽<sup>已</sup>過明朝還又來客懷長作惡嘆口為誰  
開兩月書無到三更夢獨迴天寒不歸去茅屋

長蒼苔

得家書二首

卧看平安字移燈就枕衾兒癡身廢學母老最  
關心山藥未鄉味溪藤寄野吟愁多翻不寐歸  
思在遙岑



病起家書至頻看坐夜分弟兄憐鴈影親友散  
鷗群嘗稻應翻雪栽松欲入雲故山歸去日嘉  
樹定續紛

漫興

此生如寄耳迂次竟如何江上得安宅山中有  
敝廬一蓑成釣隱三迳遂吾初去住渾無定教  
兒且卜居

挽汪元明

幽貞耳苦節力學欵名家齊戶憐孤子遺書尚  
五車領原人泣血鳶鏡髮為髻新塚誰題墓青

山日易斜

四月二日二首

衰晚間邊警蒼黃欲斷魂徵兵防列郡帶甲滿  
中原若去身多病憂未眼倍昏此邦猶樂土吾  
得守柴門  
撫景悲涼甚臨風感慨多荆舒屯虎旅滄海起  
鯨波世事遽如許吾生柰老何愁懷翻倒極對  
酒不成歌

存歿

交游半存歿搔首獨踟躇李札千金劍吳孟劉

為集

卷一

十一



公一紙書之劉御蘇門絕清嘯和孫李圓澤悟真如  
陽暉東自笑山中客塵緣未破除

茅屋

茅屋絕低小樓連江上村兒曹從送旅稚子解  
鷹門幽事齊書快清愁付酒尊近聞李公子入  
贊紫薇垣

秋興

秋色絕瀟灑憂懷自不勝江山驚白髮風雨老  
青燈飲啄樊中雉飛騰韞上鷹歸未葺茅屋纜  
纜索明絕

七言律詩

寄贈天台楊道士素軒

風雲疑風 梨雲漠漠護幽局宴坐冥觀內景清風雲洗秋  
露 生灑白雪霜驚曉眩空明瓊樓奏樂霓裳冷緜  
嶺吹笙鶴羽輕窻戶玲瓏人寐碧桃花下步  
虛聲

同劉學錄登台州古城

送旅論心出肺肝酌君斗酒盡若歡西峯海月  
生殘夜萬壑風煙入莫寒草木近從霜後落江  
山須待雪中看荒城試豁登臨眼蒼隼摩空振



羽翰

登台州中山

萃律雙峰著此身危巔夜半見朝暎天低古塔  
叅雲闕江送寒潮落海門恰憤風高仙已去翠  
微僧老鶴長存下觀城郭紅塵隘水色山光自  
吐吞

風雨赤城旅夜書懷

吾兒為客在黃山我向丹丘歲又闌千里鄉關  
家信遠一燈風雨客羶寒衣釣石角難行路船  
趁潮頭易上灘須信故園歸去好梅花相伴竹

平安

哭鄭伯容

永嘉天趣切子

錢塘十載客淒涼病入丹丘蝶夢長滄海歸魂  
依骨月皇天老眼忘文章春暉早與萱花頌書  
種誰傳帶草香白髮若翁腸欲斷束棺歸葬鄭  
公鄉

送錢思復進士赴會試

手折蟾花第一枝又乘官艦赴春闈江峯曉夢  
湘靈瑟雲錦秋裁織女機紫電早催龍尾化絳  
霄行見鳳毛歸中堂慈母占烏鵲看取青衫暎

尚書

卷一

十三



絲衣

和洞霄宮丹泉酒韻

澗。碧竇出平崗。冷漱雲根貯玉漿。擲米化丹  
淪石髓。釀泉為酒。沁霞光。銅盤清露。承天迴金  
勺。黃流灌地。香得似仙家。風月好。手分麟脯。引  
杯長。

桐灘月下舟中聞琵琶

湛。長江上有楓。子懷渺。水雲空。未誇溷浦  
逢商婦。謔喜桐灘有釣翁。欵枕醉眠。秋渚月亂  
帆爭。趁夜潮。風曉寒難結。思歸夢。一守秋霜。壓

短蓬

寄括蒼劉學錄

我昔天台碧海東。識君豪氣似元龍。醉扶太乙  
青藜杖。嘯倚皇華恰。憤峯桂樹小山懷。舊隱桃  
花流水記遺蹤。思君不見空回首。知在蒼雲第  
幾重。

勉童良仲入京

東華塵土撲征袍。鞍馬驅馳不憚勞。虎豹守閨  
瞻日月。魚龍入海混風濤。千金臺上英游盛。萬  
歲山前王氣高。聖主唐虞臣稷契。頌聲端擬漢



王褒

蘆花禱

搖落蕙葭白露霜  
冰綃覆護帶情張  
瓊臺積雪和煙凝  
銀浦流雲入夢香  
失紉曾憐衣冷落  
小茵空染酒淋浪  
鴈聲髣髴滿湘夜  
起坐俄驚月一林

寓錢塘寄呈元禮叔父

游子辭家負薜蘿  
故園春物近如何  
他山杜宇客懷惡  
清夜竹林歸夢多  
荃蕙化茅成楚怨  
布衣扣角起商歌  
遙知病後無情思  
莫遣愁添兩

鬢皓

寄舍弟綺

溪上楊花撲酒旗  
別來猶記醉歌時  
故山笑我生華髮  
諸弟唯君最白眉  
風雨夜床懷舊夢  
池塘春草入新詩  
自憐漂泊成何事  
折所芳馨寄所思

奉送浙江省危宰郎中除湖廣

昆質儀曹親九閔  
南從宰屬綴鵷班  
庾接月上偕僚佐  
郎省星移鎮獠蠻  
葉落洞庭秋雨後  
書來吳會莫雲間  
陰官柳相迎送天  
驥催歸十



二閣

奉送江省都事納文郁除湖廣

塘府秋光滿袖香盱眙遺愛在耳棠紫微幙下

除書至黃雀磯頭驛騎忙風靜瘴雲消嶺海而

新春水滿瀟湘度公明月蘓公柳兩地高情屬

省郎

錢塘旅舍贈暉東陽和尚

天女飛花不染衣眼明心淨見摩尼蟻浮瘴水

窺人影鳳立朝陽刷羽儀積雪不移松柏搯故

山頻寄鵲鴿詩三峯菴下孤雲白昨夜秋風長

桂枝

夢仙

紫鸞邀夢到僊家結佩相逢萼綠華翠杓細傾

千日酒規棋斜揀五雲車飛瓊鬢影含清霧弄

玉簫聲隔綵霞杜宇無情驚覺後月痕猶在碧

苑花

錢塘三茅觀古梅五代時所植至正辛巳

毀于火次韻

三茅琳館倚嶙峋五季枯梅帶蘚痕劫燒忽收

香影去孤根猶抱檠株存翠禽夢斷春無迹玉



蘇軾詩  
樹欲殘月正昏不作杜鵑歸閣苑為煩逋老賦  
招魂

寄洞霄宮史玄圃真人

九鎖靈宮隔翠霞  
至人未往駕飛車  
縣知天上神仙宅  
只在山中宰相家  
石鼎夜浮丹井月  
瑤壇春暖碧桃花  
我未不奈塵心渴  
願賜瓊田五色瓜

寫懷

亭館烟花暗結愁  
故人靡一付東流  
臂能化彈因求炙  
劍已沉淵尚刻舟  
投轄待垂公子釣  
敬

裘應笑長卿遊  
移書為謝林間鶴  
孤負西風蕙

悵秋

望江亭懷古

金利璇題入絳霄  
望江猶自記前朝  
群臣痛洒新亭淚  
孱主方看淝水潮  
故物蒼龍蟠石柱  
當時丹鳳聽蕭韶  
屬錢一夜英雄老  
曾見鴟夷恨未銷

過護國寺

帝夢臣鏐返故墟  
汴京從此化青蕪  
直教臥榻人鼾睡  
不復中原宋版圖  
闔闔草深藏虎豹  
秣

蘇軾詩

卷一

十一



歸月冷泣魚鳧玉雲飛去青山在長繞蓮宮壓  
舊都

壽開元宮王眉叟真人

紫誥銀章下淞江群仙遙引散花幢錦雲繚繞  
開丹室珠樹玲瓏見碧窓弄月吹笙秋鶴隻朝  
天飛鳥曉鳧隻朝來阿母蟠桃熟丞相堂前醉  
玉缸

晚霽

雨晴秋氣轉蒼涼萬籟依稀奏羽商烟抹林腰  
橫束素日迴山額半塗黃鷓鴣晒翅眠池草翡翠

翠銜魚立野航霜蟹正肥新酒熟破橙宜趁菊  
花香

至邵存七卷文叔兄尹舜鄉舍弟景參不  
期而會遂同宿菴中時何仲畏留吳博士  
宅恨不合并也

兄弟相逢琳館靜倚闌忽見故人來一時良會  
有如此百歲好懷能幾回竹屋對床宜聽雨風  
簾剪燭共持杯何郎只在蘭江上安得相携咲  
口開

宿存七卷



林下道人何處去  
若君親裏禮星壇  
佩環遙候青牛過  
臺殿唯留白鶴看  
一榻松雲容我宿  
半巖風氣逼衣寒  
五更馬足車塵動  
得臥山中夢寐安

送葉鍊師

雲衣瑤珮思翩然  
夢踏銀橋挂影邊  
丹鼎結胎留姹女  
綠章封事扶飛仙  
三山只隔蓬萊樹  
七澤方裁華岳蓮  
夜半月明騎鶴去  
紫簫吹在蔚藍天

葯房樵唱卷之一終

葯房樵唱卷之二

觀文叔兄續修潘氏清譜有感

吾父實為君仲父  
延陵家裏繼書聲  
蘭分蕙族元同氣  
梅是樊兄最有情  
骨肉豈能忘至理  
子孫猶得記清名  
他年二姓披圖譜  
知我淵源自默成

文叔和韻

堯塢移根栽北阜  
喜培英葉播英聲  
譜書二姓簪纓族  
詩寓一家兄弟情  
鄉寺謾云孫繼踵  
法曹深羨祖傳名  
已知先德皆餘慶  
大器應須在



晚成

和韻春日二首

雨香風淡燕泥融  
 珂馬如行畫中江  
 上數峯浮暖翠  
 日邊繁杏倚春紅  
 鶯花世界惟消酒水  
 榭蒼擺易受風陌  
 上遊人皆倒載  
 未須拍手笑山公  
 遊絲舞蝶共徘徊  
 野馬空濛拂面來  
 風雨一時成晚霽  
 園林何處不花開  
 江橫羅帶銀鷗起  
 雲想衣裳玉女裁  
 騰喜麻姑能送酒  
 只愁門外索空罌

山中訪唐隱居三首

雨後春山宜散策  
 藤梢石角路低迴  
 雲為蒼狗隨風去  
 水作青龍繞澗來  
 短屐有時成獨往  
 幽花無數為誰開  
 老翁燒竹烹新茗  
 不飲何煩薦酒杯  
 我愛春山多勝事  
 與君竟日不能迴  
 雲生疊嶂曾見風  
 送飛花冉冉來  
 灌木時聞幽鳥轉  
 柴門多為故人開  
 巖拳笋角供清酌  
 石上窪尊不用杯

竹嶼先生吟嘯處  
 長松繞屋水縈迴  
 山人采藥



烟中語仙客吹簫月下來琪碧飛窓戶靜瓊林  
翠壁畫圖開分明似入天台路安得胡麻飯一  
杯樹

春思

飛燕腰支掌上輕塵生羅襪步盈一鑰魚不寐  
春無賴第雁頻移曲未成歛黛低鬟初破睡嚼  
花嗅葉獨含情許身肯作王孫女頭白哀吟對  
馬卿

歲暮歸自錢唐宿玄真道院

吳會江山已厭看夢隨猿雀共清歡海風不借

歸帆便雨雪偏于 行路難日暮扣門林屋靜天  
寒飲我酒盃乾還家恰一當除夜好辨梅花頌  
復端

過趙敬德別業

結廬人境澹無心空谷猶聞喜足音自是曾中  
有丘壑何須眼底見山林清琴濁酒踈簾晚嘉  
木幽篁小院陰別業蕭間誰得似浣花流水草  
堂深

奉謝惲東陽見貺白葛水源茶百丈諸石  
刻墨本二首



蘇廣  
三年飛錫過江西欵折芳馨寄所思五色雲臺  
懷舊隱九重天詔刻清規歸帆高拂滕王閣行  
李兼收孺子碑一咲相逢驚久別草堂深處話  
襟期  
雲衲未歸未袂塵尺書落手見情真三峯菴下  
看明月百丈山中憶故人白葛含風升綾密綠  
花淪雪水源新摩挲石刻成三絕相送茅簷一  
咲春

喜怯烈失監州重建東峯寺

東峯亭廢江山在故址誰將杞棘開作記名高

龍虎榜監州聲重鳳凰臺烟雲竹樹丹青筆風  
月軒窓紫翠堆稚童謳歌禽鳥樂朱轡時引畫  
熊未

和韻趙敬德雜興四首

九皋時聽雀長鳴林下幽棲遠市聲明月涼天  
秋最好幽花小樹晚多情雲山發興宜雙屐飛  
竹何人贈兩莖馬足車塵名利客蛇行蒲伏可  
怜生

秋至吟腰瘦幾分野情蕭散意欣、幽懷自愛  
求三友高詠何妨對五君尊酒醉眠松下石山



蘇軾詩  
人不寄嶺頭雲。枕淚淨洗巢由耳。世事年來了不聞。  
連天芳草不勝秋。為報王孫已倦遊。松菊故園山北面。  
漁樵別業水西頭。英雄每被功名誤。豪傑唯將意氣酬。  
道術相忘貧亦樂。養真衡宇足優游。  
客懷物意兩偷然。故老相逢每問年。種菊已成霜下傑。  
脫巾時漉酒中賢。門無俗客來相過。架有殘書補未全。  
小立芳洲采蘭杜。坡分蕭艾政堪憐。

再和

幽懷耿耿託詩鳴。風葉蕭蕭亦有聲。濠上觀魚知我樂。  
門前羅雀見交情。從教白髮三千丈。休探靈著五十莖。  
自卜此身耳老拙。且將書快了餘生。

一幅吟牋寫八分。風神蕭遠逼羊欣。蘭若翡翠偏憐我。  
錦繡琅玕莫報君。江山草堂連野竹。山幽桂樹倚秋雲。  
高情自得滄洲趣。款乃漁歌隔岸聞。

萬里秋青真一鶚。秋山川應待子長遊。莫驚素



髮催垂領早見朱衣暗點頭錦帶吳鉤心獨壯  
牙籤玉軸志先酬師門籍上高風在立雪英才  
舊姓游  
飛蓬落鏡已皓然坐覽陳編閱歲年五斗折腰  
陶靖節一經教子漢常賢荷鋤不識黃金貴  
柱能歸白璧全慨想前脩有如此我生堪愧復  
堪憐

寄蘓伯夔

自笑今吾即故吾煩君問訊近何如馮唐易老  
雙蓬鬢殷浩難投一紙書天北風高鵬翼健江

南水濶鴈音疎他時若遇王摩詰肯道南山有  
敝廬

庚寅四月廿八日禪傍成

人生剗作百年期三寸桐棺手自治馬羊裹屍  
非我願素蚕成繭是吾師莫憂王叵逢碑墮好  
喚劉伶荷鍾隨誰道野夫為計早樂夫天命漫  
奚疑

宿存菴聞文叔兄有會晤之期

玄真道士留余宿報道君未八月初會晤猶如  
千里隔別未動是一年餘喜聞筋力加強健每

題中禪傍  
二字可疑



遺兒孫問起居老境逼人能幾見碧天空濶鴈  
行疎

垂虹橋

橋壓吳江七十洪行人如在水晶宮月明鵲翼  
橫銀浦雨霽鯨波落彩虹西望太湖秋氣白東  
迎初日海漚紅祖龍縱不明年死鞭石安能有  
此功

姑蘓臺

烏啄難忘石室囚苧蘿西子入長洲鴟夷若裹  
姦臣去麋鹿安能此地遊落月當門照日恨遠山

顰黛捧心愁後人俛仰悲陳迹獨倚闌干對虎  
丘安

舟次丹陽

舟次丹陽成路走驅車長坂漫經丘青山東去  
連京口紅日西沉向石頭客路最嫌鷄戒曉鄉  
心生怕鴈橫秋明朝定宿烏衣巷斗酒還澆送  
旅愁

鳳凰臺

長嘯西風上鳳臺梵宮相倚碧崔嵬紫髯布政  
三分後綵翽呈祥兩度耒潮打石城吳月上山



蘇軾詩集卷之七  
連淮甸楚雲開金鑿斲上騎鯨客醉墨淋漓落酒杯

和韻答楊生

少年才力擅群雄手掣長鯨碧海中一鶚獨飛  
天外碧五雲多在日邊紅肩摩盧駱文章妙筆  
落鍾王翰墨工千里相逢如舊識明朝足馬又  
江東

奉呈劉御史

紫薇花下演絲綸又向江南擢諫臣家世舊傳  
真御史典刑今有老成人校書天祿青藜在落

筆蘭亭繡紙新一寸寒英猶未綠顏從桃李得  
陽春

登蔣山寶公塔下高閣

寶公塔下登高閣日盡東南半壁天江接秦淮  
圍故國地連吳楚渺平川猿驚鶴怨移文在虎  
踞龍蟠王氣偏聞說先皇遊幸日白毫千丈禮  
金山

六朝遺蹟

望中紫氣已蒼涼六代遺基付夕陽鐘阜插天  
猶虎踞虞淵浴日見龍翔樓船鐵鎖江城在壁

蘇軾詩集

卷之七

七



蘇軾詩集卷之二  
樹金蓮野草荒一自王師未飲馬烏臺百尺凜  
風霜

留別巨生二首

我昔君家留兩載拂衣豈為食無魚雲飛親舍  
歸心切月滿關河故友踈壯志已騰三尺劍少  
年須讀五車書若翁讞獄多陰德高大門閭實  
在于  
吾子別來驚幾載相逢彼此問平安鯉魚耳音  
慈親樂鳥鳥私情祖母歡英物已知能跨竈老  
生尚及虞彈冠河梁執別還申戒從喜如登信

獨難

至吳仲毅投家書就假張應奉天香集

二豪文采動詞林江上相逢又盍簪談塵坐陪  
雙白璧家書喜直萬黃金華顛冉冉含秋色青  
眼垂垂見容心賴有天香詩借我玉堂人有五  
雲溪

錢思復所賦靈槎集舊嘗錄遺後十年失  
其本藁思復以詩來徵用韻奉答

先生江上醉吟時正是湘君鼓瑟希八月靈槎  
通析木九天雲錦落星機篇章拜辱驪珠富翰

此詩可附  
入錢集



札徵求趙璧歸千里封題寄將去湖山從此蕨  
清暉

葺山中故廬有感

溪上先人有敝廬昔年經始最勤劬弟兄已作  
辭家燕林木誰瞻愛屋烏墻角蓬蒿迷町疇簷  
牙風雨老枝梧肯堂肯構真吾事未讓揚雄宅  
一區

夏夜山中偶成

山氣空濛暑氣收南箕落月如鉤松濤忽捲  
三更而林籟俄驚六月秋破甕從他中夜舞敝

裘憐我少年遊夜未起坐空長嘆坐不成名已  
白頭

自山中歸鑑湖別業

數椽茅舍清江曲六月炎天困鬱蒸賴有青山  
圍故宅歸來赤腳踏曾冰石泉松籟為琴筑野  
蕨山看薦豆登明日迴頭望丘壑芙蓉半出白  
雲層

同劉伯善賦覺慈寺玉壺冰泉

古寺寒泉霜雪冷一泓澄碧絕埃氛瓊漿自注  
冰壺滿石眼疑從玉井分夜落天光常浸月曉



騰秋氣欲成雲水符乞與山僧調供給茶铛日  
與君

春波漁者二首

水濶江南魚正肥烟波一棹動蘭漪船頭鴉  
連書冊海底珊瑚礙釣絲楊柳月高春醉後飛  
花浪暖而晴時問渠攜李當年事越入吳山總  
不知  
一簑一笠似張翁投轄何煩到海東漁火獨明  
風露下擘音多在浦雲中水黏罾眼離白  
落花  
落船頭點紅拋却釣竿還自笑更無漂母飯

英雄

夜坐感懷

柳影參差月轉廊酒醒無奈意動勦鏡中白髮  
垂老枕上清宵細長舊事已隨流水去衰  
懷那漫少年狂玄花亂落看書眼孤負韓檠一  
尺光

答吳濟仲

禮部文章驚海內先生學業振家聲隱之泉水  
有清搯仲蔚蓬蒿無俗情天上麒麟初應瑞榜  
中龍虎再題名漢庭慎勿輕年少改事書成屬

韓疑是  
寒



賈生  
卷二

旅夜對月有懷尹舜欽

金點知更萬籟收  
可人清景思悠  
珠簾捲雨  
初消暑水簟含風  
不耐秋推枕  
忽驚身是客  
倚闌惟有月當樓  
此時無限相思意  
目斷孤鴻寄遠愁

呈文叔兄

平生知我無如子  
柰此別離情  
思何春水連天  
歸雁盡故山  
回首白雲多  
王門鼓瑟應難遇  
賓館無魚直賦歌  
為問吾宗老兄弟  
近來潘鬢幾

分暗

寄錢良貴

桑梓連陰十里餘  
三年不見意何如  
他鄉對月嗟離索  
故友憐君問起居  
歸去山家新酒熟  
向未林館小窓虛  
高堂老母頭如雪  
莫惜頻斫鱸魚

寄琳上人

滿山紅葉鴈未初  
好似維摩示病餘  
湯倒淨瓶誰問話  
踏穿門限客求書  
雨花散漫露荆樹  
雲初爛斑暎板輿  
我識東陽老仙伯  
為煩問訊近

為  
卷二  
十



蘇軾  
何如

寄江君逸

斗酒相逢盡醉休  
幾迴清夢憶同遊  
江河牢落知心晚  
天地淒涼滿眼秋  
客有常何能具艸  
誰憐王粲獨登樓  
思君不見空回首  
日落天寒攬契裘

歸故居

桂樹團團屋角青  
歸來自覺愜幽情  
隣翁共話桑麻長  
稚子爭言竹笋生  
樓上看書無限好  
山中代木有餘清  
短筇未往閒成趣  
流水涓涓木

向榮

夢鄭謂道

夢中尚憶曾遊處  
多在排雲湧雪間  
玉澗清冷寒脫齒  
金臺蒼翠鬱孱顏  
天池倒影沉圓象  
丹竈何年熟大還  
鄭老襟期誰得似  
月明環佩響空山

香溪解纜

解纜忘已別思逢汀洲  
日落暮烟微  
故人勸我杯中酒  
慈母為縫身上衣  
幾度容懷心欲折  
一江秋水鴈初飛  
倚闌無限思親意  
底事西風吹

蘇軾

蘇軾

蘇軾



蘇軾想  
未歸

卷三

十一

知己

知己相逢盡醉歡  
西窗剪燭坐更闌  
笑談傾倒忘賓主意氣  
相期出肺肝  
白雪數莖嗟我老  
黃金一諾報君難  
丈夫磊落當如此  
自愛先生禮數寬

寄潘彥實

自是潘郎奕世孫  
貪泉一酌別為源  
若翁視我猶諸弟  
舉族唯君念本根  
况有詩書敦宿好  
每將欣歎細同論  
相逢且盡登高興  
賸采黃花汎

綠尊

草堂訪暉東陽不值是夕同胡太常宿大

桐江方丈用太常韻奉呈并簡東陽

獻賦相如早已逢  
縣車疏廣晚攸同  
耆英人物衣冠表  
官樣文章館閣中  
吟嘯坐陪雙峴碧  
夢魂猶繞五雲紅  
天閑老驥成超縱  
振鬣一鳴凡馬空

春盡秋來兩度逢  
襟期一咲二心同  
夢迴桐瀨千峯外  
身在雲臺五色中  
茶圃氣清秋露白  
松門影落夕陽紅  
夜闌迢轉迴銀燭  
別有岑樓倚

蘇軾想

卷三

十一



蘇軾詩

卷二

一四

半空  
入山休恨不相逢  
意足猶如會面同  
一字懶題  
蕉葉上五年還到草堂中  
眼前樓閣浮新綠  
鏡裏容顏減舊紅  
何日重來聽說法  
寶花無數滿  
虛空

次韻答錢思復并簡呂彥夫

相逢動是經年別  
笑指沙鷗聚舊盟  
芳草只添  
遊子恨清風  
還有故人情  
薇花亭館春容老  
木葉林塘晚氣清  
杜宇數聲愁不柰  
朝來白髮鏡  
中生

送張伯翔

椽曹辭滿東陽郡  
尚憶丹丘與若耶  
掠鼠傳爰  
廷尉事運籌  
決勝列侯家  
遺書猶載千秋鏡  
歸權應隨八月槎  
意氣相期在功業  
不將別淚洒  
江花

閔居

慨想古人知用舍  
絕憐奔走曳長裾  
洛園五畝  
容君實蜀客  
十年誦子虛  
滿地白雲連野竹  
繞門綠水浸秋渠  
脫巾自草閔居賦  
客至從嗔禮  
法疎

蘇軾詩

卷二

十五



題鮮于伯機書桃源詩

流水桃花駐客車  
青松白石二仙居  
鸞群不待崇虛致  
繡紙爭求困學書  
丹竈雲開光掩冉  
瓊林月上影扶疎  
舊題滿壁多風欲  
卷跳龍上太虛  
雨

寄吳孟思

我憶錢唐吳孟思  
三年不見近何如  
半生白眼看侶士  
一代清名工福書  
江上風塵何瀕洞天  
邊鴻鴈亦蕭疎  
多君早結壽山屋  
自樹衡茅賦卜居

送人北歸

相逢袞袞別忽忽  
酒沃離腸盞易空  
急管繁絃悲落日  
短衣疋馬又西風  
關河千里頻回首  
烽火三年嘆轉蓬  
此去應須各強健  
有書長寄北來鴻

寄徐景傳

我識徐公百不憂  
也應憐我賦登樓  
故人動是三年別  
獨客還驚一鴈秋  
舊雨淒涼烟水濶  
停雲掩靄夕陽愁  
吟邊若問湖山興  
翠影紅香襲綵舟



寄題衛立本具慶堂

日永南陵棟宇深  
涿河繞屋樹陰  
生成德百歲期  
頤孝友心戲絲  
自供堂上水擊  
鮮無藉橐中金  
漢家舊賜麟符  
在奕葉蟬聯直  
到今

風雨途中過羅主簿杖履歸北山

花縣哦松賦式微  
杖藜風雨返郊扉  
不將軒冕矜閭里  
只似山林一布衣  
陳梁未覺烏巾墊  
僖耳何妨木屐歸  
曠士古來同一致  
先生無意在輕肥

送張道士

羊山踏碎白雲堆  
不見仙翁未肯迴  
小有洞中持節待  
大羅天上散花來  
丹崖翠壁參差見  
琳館瓊宮迤邐開  
借得初平隻白雀  
在月明騎上素華臺

六十

歲晚揆余初度日  
梅花索笑共清妍  
留連風月三千界  
俯仰乾坤六十年  
斥鷃海鷗齊小大  
春猿秋鶴與周旋  
但教強健加餐飯  
莫把窮通更問天

為齋集  
卷之  
七



次韻答友人

山澤癯儒豈列仙  
丹梯萬丈莫攀緣  
垂孤不記逢初度  
載酒何煩頌大年  
花甲曆周辛卯歲  
玄扃日在女星躔  
此生自斷若休問  
消息盈虛總付天

辛卯冬

至正青龍在辛卯  
三冬民物躋春臺  
虹霓曼向朝昏見  
雷電長隨風雨來  
豈有雪霜消瘴癘  
只看流李發條枝  
天時人事都休問  
且盡生前有限杯

挽惲東陽

方外論交獨有師  
一談一咲共襟期  
閑雲屋下傳燈處  
慈母固頭憶弟時  
土室每同清夜話  
草堂猶有去年詩  
青山滿目人何在  
收淚長懷不盡思

寒食

白雲耗日鬢影斜  
風光流轉任年華  
杯行不惜斟婪尾  
春事如今到揀花  
車馬羽毛分戰士  
園林鐘鼓是誰家  
側身北望空回首  
愁絕吾生未有涯

萬壽堂

卷二

八



自警

垂老方知悟昨非野情長與世情違  
可堪青鏡生華髮莫遣緇塵點素衣  
遼鶴歸來悲往事海鷗飛去識先機  
幽棲只合迤空谷深掩山中白版扉

閏月書事

提封百萬海為疆猛士如雲守四方  
楚塞烽烟南去急燕山兵甲北來強  
總我自信如顏牧遣使縣知有暴張  
多少英才思報國手搃長矢射天狼

遊紫巖寺

古木迴巖障綠陰此中知有小叢林  
懸厓置屋依空曲繞澗穿雲入竅深  
蒼苔香未清鼻觀蓮花色淨悟禪心  
寶坊亦有差徭及從此應無布地金

自山中歸

山人留我山中宿又返湖陰理釣蓬  
島嶼孤雲邀獨鳥林梢片雨隔殘虹  
田歌互答耘耔樂野老相親中屨同  
休道干戈猶滿地捷書已到

大明宮

萬壽宮

卷二

十一



築城  
城復于隍四十年荆吳忽尔舉烽烟雄藩已設  
金湯固惟嬰還如鐵甕堅十萬役夫搯畚揷三  
層埤現列戈鋌引錐莖土民勞止但願皇恩際  
幅員

葑房樵唱卷之二終

葑房樵唱卷之三

奉簡吳濬仲避地紫岩山

鏡中華髮不勝簪歌詠周南治世音老驥謾懷  
千里志隙駒空負百年心傳聲烽火猶虛遠道  
迹山林竟密溪多謝故人憐寂寞可堪莊舄獨  
哀吟

寄唐公弼

十年落魄西湖上舞榭歌臺爛熳遊愛客酒翻  
鸚鵡盞采花香滿鵲鶴裘感照盡是千金子談  
笑還輕萬戶侯一段風流成白髮銀床冰簟不

葑房樵唱卷之三



蘇軾詩  
勝秋

暑夜對月

三伏炎宵因鬱蒸攬衣盤礴敞閨庭自移冰簟  
邀明月臥看銀倒列星竹樹繁陰薄沆瀣乾坤  
坤清氣入襟靈尊收按節明朝至先落梧桐一  
葉青河

夢惲東陽

惲老相逢夢裏身咲談猶自惜離群精魂不返  
三生石臺閣長垂五色雲澗水松風秋蕊草  
堂烟樹月紛覺未多少悲涼意清淚潛夜

欲分

夜宿葉孟咨書樓

小樓蕭爽俯平川市井收散暮景懸雲影消沉  
山外雨月華浮動水中天船舷暝憂層簷底更  
漏時傳客枕邊溪友幾番留我宿清談終夕不  
成眠

次韻過表忠觀

龍鳳山前一迳長錢王宰木鬱蒼々英雄何用  
作疑塚富貴不如歸故鄉錦繡湖山猶髣髴  
麟荆棘已荒涼表忠觀裏豐碑在坡老文章共



耿光

秋興三首

玉露凋傷草木哀  
風雲慘澹見旌旗  
南征車馬無消息  
北去關河有蔽虧  
畫棟雲飛滕閣曉  
胡床月上庾樓時  
遙應此地成蕭瑟  
日落江城畫角悲

吳會雄藩寔壯哉  
微垣高倚海天開  
雲連接閣笙歌市  
日照湖山錦繡堆  
萬國舟車通貨殖  
四方冠蓋集英材  
悲風吹破繁華夢  
鞞鼓敲中半劫灰

封豕長蛇夜透關  
滿城兵火照湖山  
生靈化作玄黃血  
群盜爭採赤白丸  
整堂離復合  
累若去無還  
捐軀鋒鏑樊叅政  
千載英風史冊間

席上即事

華筵秩々宴清宵  
拊掌歌呼飲興饒  
罵坐灌夫元不屈  
絕纓楚客去難招  
綠珠嬌小仍吹笛  
碧玉殷勤且合蕭  
待得月斜人散後  
一杯花露酒初消

垂老有懷葉景翰范景先胡仲申



垂若行歌獨隱淪索居長是念離群也知月色  
秋未好只恁難敵夜不聞滿鬢風沙時暖。側  
身天地思紛。故人相望隔秋水幾度高憑對  
莫雲

中秋

風露平分洗太清團。頑兔又東生一年獨愛  
今宵好萬里同看此日晴大地山河由仰照中  
天星斗只微明霓裳翻作人間曲得似蕭韶奏  
九成

月夜懷友

銀河吹浪馮長空南國蕭蕭草木風千里共看

明月好

海飄零任轉蓬

雲中

次韻憶錢唐二首

湖山錦繡照青春烽火驚心歲在辰文武衣冠  
全盛時日旄倪歌舞太平人金戈鐵馬消氛稜  
翠閣朱樓起戰塵賴有縑戎雲鳥陣闕如燒帚  
捷如神

雄冠南未二百州相若金虎領貔貅西山雲氣



三天竺東海潮教八月秋聖代只今文物盛名  
藩自古庶民稠狂飈一夜烟塵起太白行天大  
火流

御史登城南閱武亭

玉帳分弓列虎貔  
綉衣閱武又星馳  
沙場慘澹旌旗動  
城郭崢嶸鼓角悲  
偃武修文當聖代  
有征無戰是王師  
掃除天下煙塵息  
淇上歸來有健兒

喜聞太傅石丞相出師平寇

詔書飛下紫薇天  
太傅仍兼將相權  
入總夔龍

陪帝舜出為叔虎  
佐周宣西北旗  
旌騰殺氣東

南海岳靜烽烟功  
高帶礪歸朝日

聖主垂衣憶萬年

癸巳歲二月壬子日晴

春來壬子無風雨  
共卜今年麥有秋  
且願王師息征伐  
盡安農事樂耕耰  
墟中能幾炊烟起  
閭右惟多賦粟憂  
騰喜山城過百雉  
長濠如帶漲新秋

寒食

二月闌珊逢百五  
疾風甚雨思愴然  
青春白髮



愁千種柳絮梨花又一年想像漢宮傳蠟燭幽  
憂楚澤起烽烟宗碑多取泉臺石麥飯無從洒  
墓田

三月七日

松風謾響中堂簷影微  
下短牆新竹綠添  
十二箇清詩題却兩三行流鶯乳燕渾無語野  
草幽花各自香妙意難言成散逸此身如客獨  
蒼茫

答勝上人

罷講常陪御史聽龍翔如在五雲中  
匡廬駐錫

看秋瀑衡嶽褰裳振海風歲月崢嶸懷舊隱煙  
塵頃洞正興戎禪餘夢繞珠峯塔萬丈靈光貫  
白虹

胡太常錄寄黃侍講詩二首見示因次韻  
學士縣車自日邊太常先已得雲泉政如洛社  
尊諸老曾聽虞廷奏五絃禮樂雍容清廟祀  
絃綉細繹玉堂仙歸歎好結山中友未徃風流白  
髮年

翰林風度似涪翁伐木相求一咲逢東峴看雲  
披鶴氅北門視草憶鰲峰花前載酒清歌起竹



裏行厨異味重晚歲文章浩如海百川日夜盡  
朝宗

次韻張子恭督兵衢州二首

舞階干羽未班師命將南証即陞辭繡斧風行  
迎暴勝羽書日報獲仙芝憲曹得士資謀畫才  
畧如公出等夷儒術可親軍旅事投壺相與雅  
歌詩

繡衣有緣志冲天談笑揮兵用命前借箸留候  
知有後誓江祖述勇居先一時蛇豕俱風靡萬  
竈絕貅解甲眠如此賢勞端為

國詠歌當見太平年

中秋二首

秋氣蕭條一半過西風滿眼奈愁何登樓見月  
忽長嘯看劍引杯成醉歌菽粟豈能如水火甲  
兵誰為洗天河蒼生正墮顛崖裏絃管堂深列

翠蛾

去歲今宵醉似泥今年對月獨眠遲人間共挹  
金波爽天上誰將玉笛吹黃道星辰環北極青  
冥風露洗南陸銀橋試問乘鸞女仙桂誰攀第  
一枝



次韻美若左丞總戎有功

徽垣左轄鎮江東維翰維藩漢總戎千里旌旗  
開玉帳九天閭闔錫彤弓龍蟠密應非熊兆虎  
旅爭收汗馬功有待賊壕渾鏝盡班師入奏大  
明宮

美揚志誠

省郎勛冒著閔西江左行師縱馬蹄鞭笞熟諳  
軍旅事筆籌不使簡書稽咲談風動嫖姚慎步  
武雲隨宰相提如此定功須第一金門天近聽

朝雞

建德同知蒼巖公以平寇陞總管

公子王孫領倖車桐江秋月浸冰壺奮身破賊  
自草檄拜命專城分竹符仁政涵濡真召杜奇  
兵髣髴是孫吳功成早晚登樞要添入麒麟閣  
上圖

病中許存禮葉孟咨見訪示挑巖詩因次韻  
絕壁繞草木稀晨樾爛日照熹微泥丸果接  
人何在藥途迷花客未歸空翠倚天開錦樹乳  
紅如雨落紅衣餞餐阿母千年食還勝山中采  
蕨薇

馬防集

卷三

七



七言絕句

寒食二首

寒食今逢二月天  
士身焚死竟誰憐  
年來遺逸爭求聘  
乞賜新條草禁烟  
故苑烟綿野草花  
廢陵無樹看棲鴉  
宮中傳燭人如夢  
笛得東風御柳斜

舊遊

古槐疎冷日蒼涼  
廢館荒臺隔短牆  
自是舊遊偏易感  
紫駟曾繫綠垂楊

偶成

挾才勝德世所薄  
寧我負人天可欺  
士之言行苟如此  
聖經賢傳為美為

赤松禱詠六首

赤松山

雙鶴冲天去不迴  
五雲繚繞散花臺  
山中若見皇初起  
為問當候幾度來

小桃源

洞戶沉沉鎖翠烟  
落花流水自年年  
種桃道士多風致  
疑是天台采藥仙

煉丹井



丹成遺井在曾巔金碧靈光夜燭天抱甕道人  
閑不得白雲深處灌芝田

濯纓堂

忝天老樹倚高寒誰濯塵纓向激湍夜半仙人  
來洗鶴手翻明月弄潺湲

臥羊山

雨香雲淡草離離三百維群睡覺遲白石滿山  
休叱叱二皇不借五仙騎

松花澗

繞閣長松百尺高輕花細細落雲梢羽人和露

食金粉不用嵩山道士教

送黃鍊師絕句二首

聞說穀城黃道士素華臺上見苗侯蒼龍點得  
隻睛了騎繞仙人十二樓

葛洪井畔煉丹成手把夫容禮太清更覓緱山  
王子晉碧蕊花下教吹笙

泊臨口

泊舟臨口月初生兩岸擘音雜市教明月丹陽  
朝食後小車推上石頭城

龍飛亭



謝公墩下萬松園上有華亭壓翠微五色流蕪  
懸玉座先皇曾引六龍飛

春日襟詠絕句三首

東閣梨雪暗吹香翠袖金壺為洗粧客裏不知  
花代謝馬蹄贏得一春忙

草木欣々亦何榮簷牙燕雀半生成落花不掃  
柴門掩自喜幽居見物情

野人居處絕紛譁芳徑疎籬八九家昨夜山中  
風雨急曉來門巷掃桐花

山水小景

秋滿西山爽氣多山人惟泊卷烟蘿清溪只在  
雲林外夜半月明聞棹歌

登碧雲蒼雪樓有感

先人舊宅倚崇阿獨上高樓自浩歌一度歸來  
一愁絕暮年身世竟如何

題小景

清江碧嶂白雲飛紅樹斜陽獨鳥歸我畫有教  
描不得西風分付米元暉

題太真睡起圖

興慶池邊花爛熳清平調裏思飄々玉環睡起

蘇東坡詩集 卷三 十一



嬌無奈背立東風酒半消

夜雪

天低野濶凍雲同脉脉綏綏向晚空窗影漸明  
疑近曉竹敲頻折恠無風

寄江貫之

素業年來付子孫乾坤著此一閑身遙知獨酌  
西窗下曾倚東風念遠人

戲簡江君逸清明日移家

曲巷垂楊映杏花清明時節客移家白頭老子  
風流甚自與文君駕小車

代呻吟絕句十首

一室無心事掃除蓬蒿沒膝繞吾廬何人解有

陳蕃志過客休疑仲蔚居

茅屋蛛絲日新亂黏鬚髮惹衣中障室錯綜

添經緯不遣飛蟲打着人

蘆花方褥竹方床葛帳含風薤簟涼夜半起來

山月白滿天清露洒衣裳

支離野老畏炎蒸露坐三更倦不勝何物能消

清夜渴迎風誰致玉壺冰

委巷全無長者車脫巾散髮掩殘書多緣示病



耽慵懶容至從禮法疎

莫年長是惜離群空谷楚音亦喜聞天末倚風

迴白首濛濛時雨霽停雲

鬢絲冉冉颺茶烟藥裏關心手自煎禍福從來

相倚伏靈氛何必事蓬蓽

辛夷始花人問疾菡萏已秋猶養病投老棲遲

有如此一年強半病中過

囊底雖存大藥資民憂鈔法阻艱時伯休不二今

安在市價從他或倍蕪石

倚竹冷石磴寒青松落露雲端此中昔我

專遊釣病裏長思倚杖看

樂府

滿江紅 天台道中

翠逼藍輿天台路樹迷烟際襟袖冷朔風初定

露華才墜珠斗橫空孤嶂遠金波搖月寒潭碎

問劉郎采藥過神仙知何地終不負風雲志

還有待江山意思想瑣窓應合故人歸去翠羽梅

花山下夢青衫楓葉江頭淚算郵亭一曲好姻

緣何時會 唐多令 雪

萬壽堂

卷三

12 4 2



春近柳依依。天台客未歸。任東陽、減却腰圍。手  
撚梅花吟未了，驚眼底，雪花飛。相對兩忘機。  
青山陡覺非。想鸞池、夜令難違。誰道子猷豪富，  
甚銀箬笠，玉蓑衣。

桂枝香揚潤之得家書

霜凝翠閣，謾獨剪燈花，斜照羅幙。點檢芳心舊，  
事幾多成錯。清愁正尔無聊賴，聽梅花、數聲殘。  
角小窗風細，虛簷月轉，怎禁寥寞。笑鬢底年  
華老，却問前度劉郎，何處重約。流水桃花別後，  
幾番開落。吾廬三迳歸未好，任緇塵、暗迷京索。

鳳臺人遠，鴈書頻寄，喜占烏鵲。

洞仙歌

湯興

雲間倦翼，向林邊、知倦回首。吾廬夢中見，霜催  
吟鬢，塵浣征衫，竟孤負、清夜猿鷺。鶴怨絳袍  
空敞，却歲月無情，贏得當時故人，戀謾索笑共  
梅花。美粉吹香，怕腸斷、東風庭院。柰芳草、萋  
怨。王孫看江北，江南幾迴青遍。  
滿江紅 歸故居 峇楊潤之  
袖拂西風，臨古道行。且止遙指處，故園三徑。  
歸程十里，若虹靑，紅珠兩外。遠山紫翠，斜陽



裏更澄江萬頃白鷗輕天連水  
銅花鋪貂裘  
漱空負了平生志慨幾多往事  
昨非今是仙沈  
腰圍緣底瘦愁潘鬢影今如許  
有元龍百尺最  
高樓君未倚

最高樓 寄謝國芳

西池草和夢沈晴暉幾度見  
春歸寒沙盟冷鷗  
先覺秋江影落鴈初飛  
故園荒徑路遠音信稀  
嘆送旅光陰忙似弊  
更好染髭鬚何用鑷驚  
夜杵搗寒衣  
挑花流水應無恙  
小山聚桂更時  
依早歸來新酒熟  
菊成團

滿庭芳

己卯七月十一日得穎

露洗新秋天浮灑氣桐孫初長  
庭隔棚栽紅錦  
門左記垂弧白髮萱親  
嘆道于今見四葉喜榮  
敷天台路吾見知不倩雁報  
安書山中何所  
有石田茅屋菊逞瓜區  
更寒窻老硯他年儘傳  
渠願汝身如犢健  
看書罷更學把犁鋤  
於鄉里  
善人可笑卿相又何如

念奴嬌 寄蕭善之

絳河明月到中秋  
不比尋常三五  
神女夢寒生  
嫉妬特地行  
兩行雲天上  
嬋娟人間陰晦  
悵望



成悽楚金尊翠袖澹然相對無語  
 峰頭通宵宴賞此地今何處爭似銀橋侵漢表  
 直入瓊樓玉宇樹桂婆娑羽衣凌亂偷得霓裳  
 譜素娥應咲醉未狂興如許

大江東壽輝東陽丁亥正月十三日生推

東陽老子問天公乞得兩番六十初度孟陬春  
 未到却算去年丙戌火樹銀花先開三夜照耀  
 維摩室底園樹下爭看無量壽佛人道隻峴  
 峯頭乾坤清氣鍾此弥天釋掛錫藪林三十載  
 玉檢芝泥猶濕嶺上白雲儘堪怡悅恐被風吹

出法身強健摩挲時問銅狄

疎影為劉桀閣賦贈妓者

縞衣仙子倚東風花信先占春色殢酒含嚙脉  
 脉無言青鳥為傳消息暗香一點才浮動早自  
 有東君怜惜想前身傳粉精神化作飛瓊肌骨  
 還向影娥池上借霓裳一曲徘徊歌席清夜  
 梨花同夢方并又似楚雲踪跡新歡舊恨知多  
 少算擅板金尊消得折芳馨欲寄相思人在江  
 南江北

沁園春 贈鄭伯洪



谷口仙田瑤草誰栽山中子真向紫霞洞裏鑿  
 開丹室素華屋上瞻望飈輪王子吹笙洪厓握  
 手爛醉桃花萬樹春都休問蓬萊清淺天地氣  
 氤 有時凜雪精神誦藥笈丹書小篆文更佩  
 照明月劍寒秋水或咎鸞鳳或翳麒麟碧落空  
 歌紫虛鬱秀徑扶飛仙拜玉宸天門近聽復鼓  
 直上高步星辰

葯房樵唱卷之三終

附錄

故處士吳公行述

本貫婺州路蘭谿州紫巖鄉石室里

曾祖應高

妣張氏

祖治

妣

考用中

妣溫氏

先君諱景奎字文可姓吳氏世遠譜止無從攷

附錄



有三府君始業其家宗軌道間名炳者以進士  
為温州司法三府君遠先君十有七世墳墓具  
在司法則先君六世祖也先君生而茂異尊老  
而慈幼期知名于世七歲力學如成人年十三  
即以幹蠶自任有司用大家充鄉正鄉周百里  
戶口數千錢糧獄訟追乞一切以係於公者悉  
取究於正乞又出土產之物以供於上無休時  
性不喜輿馬春夏炎暑暴而秋冬霜雪嗟手足  
皆身親臨之嘗夜行山徑中遇虎適有持梵具  
至者先君取鏡鉞手撻擊之數震崖谷虎乃驚

逸及歸拜先大父床下平氣和色怡乞如平常  
且戒左右毋得言恐傷老人心先是嘗德伯祖  
母黃有幼育恩黃歿遠成服先君當輸糧他郡  
啣哀致情特請于上官乃與寬五日期俾得成  
服禮以成先君之志有

詔賜若人帛于鄉乞昏目先君幼弱不能制乃  
並緣為姦索錢若人先君覺之曰  
皇上厚恩帛向鄉昏索錢若人力白上官痛絕  
之無敢索錢者而鄉正多歛拘細民先君為之  
卒無所歛求樵夫野婦以手加額曰吳公為鄉



正歲且得安矣先君雖幼外慮王事內理產業  
糾纏紛羅雜家事益落而未嘗妄取于民于是  
先大父年六十三矣足跡未嘗一入公府得優  
游逸樂以終身者先君幹盡之力也弟幼未有  
室先君教以成人且為謹擇良配卒振其家元  
弟相友愛至死無間言年三十會今海道萬戶劉  
公貞為粵部憲掾辟先君為從事明年劉公去先君  
亦歸伏田里後劉公為南行臺監察御史出按  
湖東西閩海三道。適里居特詢政瘼先君為  
言民事之未便公力行之民至今受其惠同時



得有施於時迺大昌于詩竟以窮愁終身嗚呼  
痛哉復年四十未嘗得一日之奉以負天地大  
恩窮泉陷地罪逆莫逃姑叙潛德萬一求立言  
君子固不朽焉至正十六年正月望孤子復泣  
血謹狀

故處士吳君墓志銘并序

同郡吳生復喪其先君子之明年以書以告予  
曰嗚呼吾父生不有祿位無以自見于世而宅  
心禔身殆無愧于古人然今不可復作矣遺言  
逸行久且泯滅不朽之託敢以屬於執事願矜



而賜之銘謹奉狀以請予按狀所述得君之為人學務篤寔而不自矜躬處窮約而無所怨尤庶几樂天知命之君子歿而無銘何以爲勸頌雖衰退之餘久去筆硯而於復有斯文之雅誼不得辭乃爲序而銘之君諱景奎字文可姓吳氏娶之蘭谿人宋有三府君者譜軼其諱于君爲十七世祖有諱炳者乾道間中進士舉溫州司法參軍君之六世祖也曾祖諱應高祖諱治父諱用中世皆不顯君少力學期所知名見稱佳子弟年十三即代其父理家務時有司用

大家克鄉正奉約束惟謹一毫不妄取細民性不喜輿馬日詣公府住數十里雖寒風暑雨不以爲倦嘗夜行過虎山徑中徑狹勢兩相持適有荷梵具至取其鏡鼓雜擊之教振林谷且戒左右毋得言恐傷若人心於是其父年已高足跡未嘗至城府得優游以終若爲君幼德伯祖母黃撫育之恩黃歿未成服而君當輸糧他郡期限峻迫不可一日緩君卸衣以白上官上官憐之特與寬五日期使得成服乃行弟幼未有立躬其勞而逸之于學既長爲授室遂克有成



終身友愛無間言其孝友天性然也君年壯時  
今海道萬戶劉公貞為浙東憲府掾辟君典文  
書明年劉君去君亦歸伏田里絕意於仕進久  
之用部使者薦署興化路儒學錄以母老辭不  
就後劉公為南行臺監察御史未按浙東西閩  
海三道。過里居詢以時政懇。為劉公言多  
見于施行民至今賴之御史同行者聽其議論  
敬嘆曰先生若成人言。為國古君子哉君和  
易平實退然自處不與犯者較而義之所在輒  
奮然勇為之有友人以家事託君于錢唐而宦

閩中不久物故君為綜理其家使鬻曠廬以買  
田買廬者求下其價以百緡松君。笑曰吾豈  
欺人弱子者哉且百緡誠予我。必歸鬻廬家  
身錢唐市上人率輕薄嗜利用聞其言無不  
君平居厚于宗族倘黨好施濟人之急雖過若不及  
至家不自給不以為悔而依隱玩世遂以終其  
身臨終語其子曰我病在臂而身俱聾腎氣絕  
矣幸失德之事吾生平未嘗為死固無所憾汝  
等惟篤于孝友以承先業吾目其瞑矣言訖奄  
然而逝實至正十五年二月五日享年六十有



四以其年三月四日葬于向家嶺先墓之次君  
于書無所不讀天文地理星曆卜筮醫藥之術  
皆能貫通嘗摘諸子百氏精語為書曰諸家雅  
言尤善為詩有詩集曰葯房樵唱藏于家娶汪  
氏子男二人長即復仙居縣儒學教諭次益孫  
男四人穎穉孺穉女四人銘曰不矯其為不競  
其馳不淪乎卑不抗乎危居之怡々行之熙々  
祇天之役與道為期我作銘詩以揚其輝以發  
其微以永其垂前翰林學士侍講中奉大夫  
知制誥同脩國史同知經筵事黃潛撰

吳文可傳

天台張順祖纂

吳景奎字文可婺州蘭谿人七歲力學如成人

恭敬無與比縣第其家鄉正魏難為役景奎年  
十三奮曰吾親在奉公幹蠹職也何難為所居  
去縣二十里許每旦鷄鳴趨縣受約束莫歸奉  
自身已即考論經傳六藝矻々不少休嘗獨行  
夜遇虎道有持鉞鏡具耒者急手取擊虎驚逸  
歸拜其親顏色衍々如平常戒左右勿言虎傷  
老人心鄉父老曰吳君為鄉正家事益落而吾  
里社安矣嘗受育伯祖母黃々歿及歛期景奎



當輸糧外郡號泣不置官府義之為緩輸成服  
教其弟景叅底于成嘉事不失終始友愛無間  
言初錢唐友人素與景奎好將宦閩南把其臂  
曰欲以家事托吳君也明年友人歿景奎親往  
候視恤其幼孤為鬻廬周食得廬翁以百金私  
之曰我欺人孤寡而私利其身固則受而歸諸  
鬻廬家嘆曰吾懷知己之言不以生死背吾心  
也聞者感泣愈益慕其行平居樂易發言恣  
似夫儒者至于義所在懷憤激揚不少讓衣無  
完乘出未嘗有騎意所之即徒步百里專趨人

之急甚於己私鄉之儒先長若亦自以為行弗  
及也尤不樂仕進有以後時開之者辟為閩學  
官景奎不為起既而曰草木猶能庇其本根况  
人乎盍有以庇吾邦也御史劉公貞素重景奎  
適行部至粵即往言曰公司邦憲以式諸侯敢  
以均賦勤君之執事昔先王則壤井野制民有  
經更勞均逸以待百事民知義所以奉公上而  
無有爭心今庀政者會民無藝貪受後也並并  
或不以征家無蓋藏而用之日新何以范民如  
履畝平賦而休之是免吾民于度而公有大造



于東也劉公悅爲浙東憲使董公守慈憐有司  
經保疆書土田形廣狹稽隱漏名甲乙於是野  
無游民官無逸征民親而事有叙君子謂景奎  
于是後也施而不費景奎晚歲益務博覽手抄  
五經字 確旁及史傳百氏靡不研極尤好  
論詩鈎取騷選粹辭奧語爲書名諸家雅言其  
所自著曰葯房樵唱壽六十有四至正十五年  
終于家

張順祖曰余適荆楚浮江淮東歸吳越數從長  
老詢民間政後或云娶號稱平均及余觀之信

然彼公卿大夫立經保民固無可言猶然無所  
施况閭巷之士志行無牽于物而言仁爲國義  
覃家邦豈非至難亦其遇知已然耳烏乎惜其  
后下所被不遐也且以吳君視之則凡士懷斯  
世不過施設卒湮沒弗傳者何可勝道哉余具  
論之無亦使其久而不傳云

哀辭

金華葉儀述

文可娶之金華人也其先出自待制潘公默成  
先生爲吳氏後氏因爲吳家故豐于財良疇美  
宇咸有也文可爲人慷慨行誼甚高不以財爲



意以故舊業日益落然天性篤于誼未始用是  
而過人不謹也嘗有所識以未過而主文可者  
館穀之傾困弗惜既而其人去志得一日邂逅  
見而問所欲言唯答曰某獄有某者以寃繫事  
不白且庾死獄中志得而行于時者竟白其事  
而出之然文可與繫者寔不相識繫者之出也  
亦不知為賴文可力持是以求文可之為人則  
余所不知者其率類是歟始文可盛年時嘗肆  
其力于學及壯頗有志于出觀于世非其志之  
所存歸隱田里取舊學時繹之發為詠歌詞句

清麓有唐人之素善書其隸草一法魏晉近世  
以書成一家者不足多也其居距城六七里每

風日好則步入城郭朋戚相邀致留或信宿意  
有不愜其歸亦不可留也余居窮巷文可未或  
鄙棄相過則握手論文字日將中煮糲飯共食  
食必為之飽故與余交為甚懿至正十有五年  
春人有來自潁河之汪者謂文可之病革矣日  
欲往問之未克也其年二月五日竟以疾不起  
于家享年六十有四余哀文可壽不滿其德往  
哭之不知衣之濡也其子來言曰先人歿而子



哭之哀交誼著矣為之辭庶有終始予辭弗獲  
遂叙其凡而辭以繫之文可二子長履為校官  
次益皆能繼父業天之報文可意者其在茲乎  
辭曰  
德之清子澤綿也昭吳氏子殆以賢累葉襲子  
光輝恥維文可子時艱有義為質子如淵泉觀  
物出子物以全道弗古子聿言旋指丘樊子尋  
舊編祖風人子如千篇樂吾道子細故捐鼓鍾  
王子實攻專妙墨落子字書妍朝舉趾子萬夫  
川夕息游子宅一壘美人去子榻以懸忽長逝

子吾潛然幸二子相後先理先廬子力尔田言  
有文子家學傳詔孫謀子期千百年嗟文可子  
無憾于天

唐懷德

嗚呼文<sup>可</sup>遽至然乎嗟君之生稟質獨殊寡嗜野  
處唯書是勗其知者號之曰山澤之曜不知者  
祇目以眇小丈夫蓋學之通乎古則既不至於  
空疎才之適乎今又不若是之恠迂方在幼之  
岐巖祗千里之名駒豎乎幹父之盤而信義又  
動于鄉閭唯吟咏乎情性樂終久而弗渝手抄



口誦若恐不及獨潛味其身腴發為篇章清新  
後邁皎明月之玄珠使人把玩三復不舍而欲  
丐其遺餘然曾不露曾參之祿奉毛義之書豈  
天將昌其詩而厄其富貴之途富貴縱不得之  
謂宜享期頤而安居胡造物之見苦僅中壽而  
云徂彼蒼々者窗不可問但撫事而嗟吁幸傳  
家之有子比徐卿之二維或擊壤而歌耕鑿或  
或垂紳而論唐虞徵仁者之有後覲冥教于乘  
除若是則文可亦無憾焉可以長臥于黃壚矣

三

范祖幹

吳君文可既卒且葬楮紳先生文章鉅公或錫  
之銘或紀之傳或挽之以歌或哀之以辭而又  
叙之以文者可謂具矣其文學行義之淋諸人  
傳諸後者亦昭々矣而凡與之游者亦可以無  
憾矣竊獨念世遠人亡交友道喪平居議論握  
手指天日誓不相背負一旦臨利害若毛髮即  
反眼不相識如韓公所云者比々是也求如吾  
文可之慷慨好義周人之急與友以信終始得  
喪不撓不回者幾何人哉幾何人哉余竒窮寡  
傳棲息樹下一二朋好如文可之交既已先後



逝去居閑處獨得文可時一耒頌即陳說平生  
商畧文字以相慰藉于寐寥危苦之際不覺世  
故之忘鄙吝之消也今亦舍我而去矣山空歲  
晚四頌躊躇每一永念能不涕泗之交頌迺為  
之辭以洩余之悲焉辭曰  
嗟余生寡偶子其知我者為誰夜綿々其未旦  
予紛敵面以相欺陳詩書以高論子若古人之  
可期比利害之一髮子即反眼而莫知文可之  
交以道子斯久々而敬之身退然如不勝衣子  
內耿々而有為秉一節以蹈義子恒不變于險

夷頌吾力之得為子雖倒廩而不辭彼滔々之  
夸毗子曾市道之不如嗟先生之懿義子實風  
教之所裨悵江空而歲晚子頌獨立予疇依渺  
風塵之四塞子直後死之是危仰友道以策厲  
子庶範之以自馳後百年于地下子尚握手以  
同嬉俯抽辭以泣涕子聊抒予之痛哉

四

蘓伯衡

吳先生質行君子也事父母孝撫妻子仁待朋  
友誠平居恂々言不能出諸口見義勇為雖古  
烈丈夫莫能及鄉里多稱道之作詩駸々盛唐



附錄  
人風致然貧賤終其身人不能無感焉沒之明年天台張順祖既為之傳伯衡以契家子知先生為深故著哀辭以遺其後而解其悲云辭曰至公無私豈非天與其予其奪一何偏與胡高位厚祿所宜厚者恒薄而宜畜者獨不然與豈賢知之賦予出于天而富貴貧賤自有司其權者與將知愚貴賤得于此則失于彼而二者不能全與抑天人之間本邈乎其不相關也與烏呼君子不顯自古如斯余于先生夫復何疑人之視之維若不足而其自視豈不有餘飽乎仁


義身如五鼎服乎道德榮於七衣得于天而備于已者維不獲措諸家邦頌已刑于閭門而信於里閭陶性情于吟詠壽且康予又何悲

五

吳沉

至正十五年二月五日吳君文可卒沉既哭之慟復酌之酒而哀之以辭辭曰嗚呼文可非今世之人子行古之道乃反窮其子有不才不得用此志不伸于悠々彼蒼曷其不仁子





方葯房詩集三卷六世族祖文可先

生所著也舊嘗板刻以行遭兵燹家

莫之存禧嘗博訪廣詢而不得竊以

為恨去歲之六月猶子芳聞靈湖郭

汝涑氏家素蓄書而此集在焉乃扣

而求之汝涑謂芳曰吾寶此集不輕

以示人子必欲得之請錄以為贈乃

友告



冒炎暑手自抄謄以歸諸芳憶汝煉  
其賢矣哉予得而閱之喜不自勝乃  
重加校正編次因復壽諸梓以永其  
傳云  
正德四年歲次己巳秋八月望

賜

進士工部營繕司員外郎六世族孫

吳禧謹識





